



Illoqarfinni nunaqarfinnilu, immap tinittarnera ulerujussuarterneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2022-mut naammassereersimasussamik Naalackersuisut pilersaarudioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)
(Siullermeerneqarnera)

Inatsisartunut ilaasortamut Siverth K. Heilmann siunnersuutaanut qujanaq.

Nunaavugut, annertuumik imartatsinnik inuussuteqartut. Taamaattumik inooriaatsitsinnut aningaasarsiornitsinnullu pingaaruteqarluinnarpoq, imartatsinnut avalassinnaanissarput. Taamaattumik pingaaruteqarluinnaqqissaarpoq, qulakkiissagipput, atugassarititaasut nutaaliaallutillu isumannaatsuunissaat.

Demokraatit iluarisimaaraluarpaat, umiarsualivigut aaqqissuunneqarlutillu nutarterneqarnerat ingerlanneqartuarmat, taamaaliornitsigut imartatsinnut avalannissatta isumannatsuunissaa pitsaanerpaamik isumagisinnaallugu.

Qularutissaanngilluinnarporli, pingaaruteqarmat, tamakkua ukkatarineqartuarnissaat. Nunarsuaq tamakkerlugu tamatta inuit piliaannik silaannaap allanngoriartornerata kingunerinut malinnaavugut. Maani nunatsinni allannguutit taakku qularutissaanngitsumik silapilorujussuarternernik qarsutsinernillu kinguneqarsinnaapput maannakut sungiusimasatsinninngarnik. Tamanna tunngavigalugu silatusaarnerusaaq eqqartorneqartup annerusumik isiginiarneqarnissaa.

Taamaattumik Demokraatit Naalackersuisut allannguutissatut siunnersuutaat isumaqatigaat, umiarsualiveqarfiit aserfallatsaaliorneqarnerisa suliarinngittuukat pillugit nalunaarusiat nutarternerini qarsutsisinnaanermut tunngasut immikkut isiginiarneqalissammata.

Tamanna tunngavigalugu Naalackersuisut allannguutissatut siunnersuutaat Sanaartornermut ataatsimiititaliami suliareqqitassanngorlugu innersuupparput.